

右二順時吐息
誦玉經

大洞玉經曰

太極元景王

安來上華京

七玄解重結

俯仰要五靈

俱濟太漢外

三天攝神生

拔出五苦積

累祖絡錦青

兆身升玉堂

養素朝圓明

紫素醫鬱刃

反胎七元庭

徘徊秀華下

五神回孩嬰

高上神霄玉清王祝曰

帝室混身一道萬分 萬分合別 是曰帝一

白帝皓靈 金霞迴日 重冥幽家 藏神化密

把兆五符 與天相畢 玉暉覆蓋 無死無疾

七祖父母 超登丹室 胞根八解 死符絕滅

帝得五元 我回三七 六府煥華 金書羽札

世為真仙 寶錄玄別 華繁曾玄 世無曲折

畢乃口微祝曰

天上內音 徊因明 神初寤

地上外音 暉復安 固止身

大洞肝中四真育明君消魔玉符

訣曰當朱書青繒佩之存呼青明君內諱

名字鎮我胃腕之戶斷死炁於玄門受生
神於自然固三素於九府明咽玉液以灌
真乃叩齒四通咽液四過



上清大洞真經卷之三

上清大洞真經卷之四

茅山上清三十八代宗師蔣寶瑛校勘

皇初紫靈元君道經第十七

精血三真章

謹請精血三真元生君字黃寧子玄常守此
鼻兩孔之下源死炁之門使兆精神宣暢於
百節血液盈滿於千關萬靈之炁輔護太一
之寃保身

真思精血中三真元生君真炁赤雲之色
罩於頂上乃默呪曰

三真煥光 流丹徘徊 離合九景 玉洞金臺

上招朱皇 五苦靡闕 死報斷落 日寃同飛

超逸十界 上昇玉階



次思赤炁從兆泥丸中入兆乃口吸神雲
咽津三過結作三神赤衣冠下布絳宮入

兩膀胱運下元精血纏繞神身入尾間穴
穿骨髓上入泥丸下布鼻凹出赤血化為
一輪赤光神在光內前去身五丈順時吐
息
誦玉經

大洞玉經曰
皇初紫元中 暉光鬱實明 三天煥九景
離合億萬生 披朱中綠霞 上回寒童靈
拔出五苦毒 超身過姑青 白素啓蕭刃
金門衛朱兵 七世積尸結 一化百散傾
受福東霞室 反胎朱火度

上清紫元王祝曰
七炁混合 帝一徇元 結滯月散 兆命長遷
死道門滅 斷絕胞根 五藏生華 六府金鮮
帝一保形 司命保神 五符啓扉 五籍登仙
世為道王 帝師纏綿 散香龍窻 反華揚烟
七擒無上 八輝九陳 流源迴液 領會六淵
名書上清 炁積寂軒 御風脫死 帝一相連
五通七合 俱生上元
畢乃口微祝曰

天上內音 發運合 光運長
地上外音 常生天 入寶炁
大洞精血三真元生君消魔王符
訣曰當朱書黃縉佩之存呼元生君內諱
名字鎮我鼻孔之下為我通太真之戶固
死炁於九門乃叩齒三通咽液三過



無英中真上老君道經第十八

胃脘二真章

謹請胃脘二真堅玉君字凝羽珠常守兆太
倉之腑五腸之口死炁之門使黃庭香潔三
尸滅絕中元之炁常滿帝皇之光鬱鬱上衝
泥丸敷散骨節
真思胃脘中二真堅玉君真炁碧雲之色
單於頂上乃默祝曰
二真回神 鬱勃三關 徊金合玉 堅備泥丸
上通帝炁 布流金門 混化啓明 合我仙鬼

七祖同飛 滅絕胞根 世保道德 永享欣欣




次思碧炁從兆泥丸中入兆乃口吸神雲
咽津二過結作二神狀如二帝青衣冠下
布太倉之腑五腸之口袖面相向立順時
吐息

誦玉經

大洞玉經曰
無英真上玄 玄充元素炁 寄類鶻運珠
混化啓明日 正一左右仙 長林林虛室
兆有五符籍 合仙得真契 鬼生太無中
魄亦五道會 世世解死尸 七祖無住滯
神風吹胞樹 根葉已斷絕 胞中種鬼殃
五符闌地結 長為神真王 應仙續萬世
高上神霄玉清王祝曰
鬼生元中 布在九重 道出三極 常遊終宮

中央黃老君道經第十九



訣曰當朱書黃縉佩之存呼堅玉君內諱
名字鎮我太倉之腑使兆黃庭保固死炁
滅絕內胎合秀長對神室乃叩齒三通咽
液二過

三官合化 是為紫房 紫房所在 先由明堂
明堂之內 守神桃康 風雲鬱鬱 既清且涼
塞閉欲孔 割破懸根 其聖曰壽 其真曰靈
兆能知之 乃開金門 金門左右 忽見高賢
左曰寧在 右曰昇精 此是景中伯 與爾登履
父寧母精 世世為仙 萬條重華 皆受帝恩
畢乃口微祝曰

天上內音 彌劫連 大生章
地上外音 反老童 受年祚

大洞胃脘二真堅玉君消魔玉符

心中一真章

謹請心中一真天精液君字飛生上英常守
兆胃中四極之口死炁之門使兆五藏生華
光四關受真炁紫液流滿於胃中百神結成
於絳宮羽衣虎裙上昇玉天

真思心中一真天精液君真炁絳宮之色
畢於頂上默祝曰

一真鎮心 總領百神 百神常生 會我絳軒
上招玉光 六液沉珍 赤景塔靈 拔我七根
超逸三塗 上昇南仙



次思絳雲從兆泥丸中入兆乃口吸神雲
咽津三過結作一神狀如帝王朱衣冠下
布胃間四極之口化為一輪百寶神光神
在光內順時吐息
誦玉經

大洞玉經曰

中央黃素炁 圓華玉壽靈 太張上玉門
伏雲三刃明 赤景醫逸家 揚輝太一精
帝女抱定陵 吟咏玉清經 五籍編紫房
五符入圓庭 七祖反胎宅 滅絕三塗生
流風斷血滯 玄葉得黃寧

高上神霄玉清王祝曰

帝一徇風 化合桃康 流生起福 上溢玉堂
混而合之 出入帝房 三五合一 必成神王
七玄父母 滅尸散冤 萬劫千重 皆登上仙
曲即伏危 廣敷醫中 守我形者 司命丈人
帝君公子 深固泥渥 太微玉華 羽服揚播
龜靈衣相抱 百骨皆滿神 神王生津上 超越慶門
遂友高字 挹侍玉清賓

畢乃口微祝曰

天上內音 滿景生 比字通
地上外音 解脫灾 福劫元

大洞心中一真天精液君消魔玉符
訣曰當朱書黃縉佩之存呼天精液君內
諱名字鎮我胃由四極之口使神安室宅

死炁消魔五藏光華百神寧和乃叩齒九
通咽液九過



青精上真內景君道經第二十

九元之真章

謹請九元之真男名拘制字三陽常守兆左
耳之下伏晨之戶死炁之門使兆天聰發徹
幽谷鮮明真炁雲行往來泥丸

真思九元之真拘制真炁五色之雲罩於
頂上乃默呪曰

九元之精 天關開聰 八景合炁 上通金房
三元帝室 反老生翁 玉華灌溉 鍊終之容
飛霄紫峯 運我昇空



次思五色雲炁從兆泥丸中入兆乃口吸
神雲咽津三過結作三神狀如神將身披
金甲各執兵仗下布絡宮入左膀胱穿尾
閻穴入脊髓上過第一椎耳後過入左耳
之下伏晨之戶神去身五丈順時吐息

誦玉經

大洞玉經曰

青精上華炁

飛羽逸紫空

開關把金節

招靈上清宮

回光變皓彩

玉清內景玉祝曰

寂寂上作 接方生盈 心中之神 號曰天精
流煥九宮 飛生上英 技絕死門 福錄鉞鏘
七世父母 結解吉昌 符籙登晨 身併桃康
長保金暉 道德仙玉 太微小童 常在帝前
其名景精 其姓曰干 合形太一 被服朱丹

太微玄景童

神化玉室內

曰為三鈴文

奉符登帝幄

閉戶叩瓊鍾

滅魔三鄴野

明出窮關陰

入精六合房

還白反嬰家



五符命籍 把持玉案 帝君所臨 主通諸神
混合太一 司命丈人 固保靈戶 五藏會分
帝先守宅 必種誠根 三炁鬱敷 八回五烟
我得升霄 駕龍明軒
畢乃口微祝曰

天上內音 種黍會 出蘭蒙

地上外音 昌田子 東壽王

大洞九元之真男拘制消魔玉符

訣曰當青書黃縑佩之存呼九元內諱名
字鎮我左耳之下使兆聰明八達寤響萬
里太真係生覆靈鎮死乃叩齒十二通咽
液十二過



太陽九炁玉賢元君道經第二十一


皇一之真章

謹請皇一之真女名上歸字帝子常守兆右
耳之下伏晨之戶死炁之門使兆幽明之光

上朗泥丸太元之音獨樂一身彈金鳴鐘流
徹太和

真思皇一之冕上歸真炁玄雲之色罩於
頂上乃默呪曰

皇一上真 洞生丹房 朱嬰紫曜 發溢明光
太元之音 朗徹九空 玄金獨樂 振響琅琅
上招玉景 協我神堂 策虛升飛 遊宴玉京



次思玄雲之炁從兆泥丸中入兆乃口吸
神雲咽津三過結作三神狀如神將身披
金甲各執兵杖下布絳宮入右膀胱穿尾
閭穴上入脊髓上過第一椎耳後過入右
耳之下伏辰之戶神去身五文順時吐息
誦玉經

大洞玉經曰

太陽化三神

守胃塞鬼戶

帝真觀上生

太一管神

素明童子

羽書紫玄

奉符六合

上宴九天

紫耕微玄下

金符煥北華

斷我三塗苦

開陰太漠

正我三魂

月帝夫人

混會億千

元君保谷童

玉契披七祖

司命攝生

長保陽源

列錄玉清

運翹結賢

累為仙王

玉清太素元景王祝曰

九宮一合 化形帝晨 上昇紫房 命真召仙

會濟寬魄 領括百神 七玄康樂 披苦破根

死焰滅炁 福祿充軒 兆登太霄 駕景控雲

日中五帝 挾日精輪 鬱將送草 馳景同遠

畢乃口微呪曰

天上內音 會命初

地上外音 混生宗

太洞皇一之冕上歸消魔玉符

訣曰當黃書青縉佩之存呼皇一內諱名
字鎮我右耳之下使我萬炁通暢玉清開

生死炁鎮塞九孔受靈乃叩齒十二通咽
液十二過



太初九素金華景元君道經第二十二

紫素左元君章

謹請紫素左元君翳鬱無乃字安來上常守

此頭面之境使萬邪不侵千精盡滅紫炁充

於泥丸太素鎮於鼻孔景雲披於口齒玉林

聚於髮膚散七世之積尸解七祖之罪仇上

生天帝堂反具更受胎

真思紫素左元君翳鬱無乃真炁景雲之

色罩於頂上乃默呪曰

翳鬱生具 炁真生空 靈光豈豈 紫素融融

上致流津 下布我宮 身生水火 體變至光

飛仙羽蓋 升入神公 受書玉京 成我仙宗





次思景雲之炁從兆泥丸中入兆乃口吸神雲咽津三過結作一神狀如帝王下入絳宮穿尾闕穴上入泥丸下布玄達之戶存神吐萬道景霞之雲罩於頭面之境順時吐息

誦玉經

大洞玉經曰

太初九素炁

遼迤五老翁

元父左回明

炁出華景中

夫人名啓朱

混會大微壹

法坦舞仙旗

執符歸紫房

高上左晨王清王祝曰

慶元吉津

命召高仙

上一天帝

靜寂泥丸

流汨西田

披散積穢

號玄凝天

是為伯無上

大帝攜手

斷絕死根

曜明六合

使兆保長安


列國玉皇 併祿帝晨 五府生華
六液龍源 淵清太素 鬱藹金津
萬仙來朝 五嶽啓陳 玄德沉散
天福奏烟 彤梁守命 長來護死門
上生玉房 受位金仙 天之玉堂
常接帝賢 九天之中 宴貯劫年
畢乃口微祝曰

天上內音 冥冲决 信明都

地上外音 延命玉 駕本根

大洞紫素左元君消魔玉符

訣曰當黃書青縉佩之存呼左元君內諱名字鎮我頭面之境使兆五藏生真玉華玄映保固三炁神散靈陽乃叩齒九通咽液九過



九皇上真司命道君通經第二十三

黃素中元君章

謹請黃素中元君圓華黃乃字太張上常守兆胃腹之境使鬼魔伏制三尸滅形黃雲散於肢體金液充於太倉晨景之暉上華太真之炁運先俾七祖父母釋罪而受胎更生於南宮

真思黃素中元君圓華黃乃真炁晨景之色罩於頂上乃默呪曰

九天上景 化生華暉 晃曜太空 曜真紫微

上致中皇 百神降迺 散根離苦 八難豁關

七祖同昇 福慶龍龜 使我神仙 八景齊飛



次思景暉之炁從兆泥丸中入兆乃口吸神雲咽津二過結作二神狀如神將身披金甲下布庚辛之位化為兩輪黃光神在

101 A.57

光內順時吐息

誦玉經

大洞玉經曰

九皇上真炁

麗煥六合房

五神號發紐

金符刻羽宮

四司太仙宮

上真朝玉清

捧籍登虛皇

高上神霄玉清王祝曰

大帝精鬼 陽堂八靈 披散四炁 混合衆生

帝一承圖 三元會明 九真安安 七神寧寧

超越滯節 過度鬼兵 上昇帝晨 盼樂玉二履

玄母定錄 五符開清 胞根滅種 血穢殄平

七祖父母 超詣三清 無英明夫 掌我仙經

廣神安炁 綠迴絕冥 閉藏死關 太一混生

長養詞臺上 固神五老堂 受錄上清關 係德充元日

上登玉霄 下下合帝一

畢乃口微祝曰

天上內音 掌堂遠 元妙靈

地上外音 大劫迴 未始交

大洞黃素中元君消魔玉符

訣曰當朱書青縉佩之存呼中元君內諱
名字鎮我胃腹之境使死炁絕滅五内生
真七祖騰飛更受胎仙神安炁朗超登帝
晨乃叩齒三通咽液三過



太皇上真玉華三元君道經第二十四

白素右元君章

謹請白素右元君啓明蕭办字金門上常守
此下關之境從小腹至脚底使三積之宿穢
無滯地戶之土鬼沉滅明玉之液上洵於極
陰之宮素金之炁逆衝於兩腕之內解受九
靈之潤脚生重玄之雲累祖解於冥罪七世
散於既根更生南宮上宴帝軒
真思白素右元君啓明蕭办真炁月光玄
雲之色罩於頂上乃默呪曰

白素啓明 九天同生 高虛素戀 淨景玉清
回真曲仙 流灑八溟 通幽達微 朗耀華精
使我內徹 五孔開明 神公來遊 我道克成



次思月華之炁從此泥丸中入兆乃口吸
神雲咽津六過結作六神狀如力士下入
絳宮穿小腹二欲孔兩膀胱下布下關之
境至兩脚心出去身五丈乘玄雲順時吐
息

誦玉經

大洞玉經曰

天皇上真炁

帝昌啓玉扉

飲神保五籍

六液合平

三元衆神回

披尸命門內

越轉入太微

公子奉符

法坦與朱霄

解結桃康階

三五混一

司命保生

紫房洞耀 泥丸安寧 百關備仙
五華飛冥 雲飈流逸 八景浮清
併羽大帝 携帶寒庭 沉映天津
絕滅胞莖 七世累玄 解結南庭

太微玉清帝君祝曰


萬生九炁 炁變成神 五老纏會 太一化仙
二十四真 徇形帝先 九曲下戶 鎮生白雲
黃庭六府 含養命根 胎結胞樹 種栽死山
一得拘制 受斷滅源 符籍清明 金映玉軒
長為德伯 世得道恩 昇登日月 遂友帝先
畢乃口微祝曰

天上內音 保解乘 結六庭
地上外音 生雙門 入仙胎

大洞白素右元君消魔王符

訣曰當青書黃縉佩之存呼右元君內諱
名字鎮我下關之境使三真固萬元靈制
魄萬神總歸安鎮室宅七祖解散名言仙
籍乃叩齒三通明液三過

上清大洞真經卷之四



正一天師清微弟子 洪百堅 製作

道教學術資訊網站

上清大洞真經卷之五

荒九

茅山上清三十八代宗師蔣宗元校勅

太一上元禁君道經第二十五

日中司命章

謹請日中司命接生君字道靈常守兆左手
通真之戶死炁之門使四大正明玉華保真
魔炁滅絕生神固靈七祖解脫冤魄更生
真思日中司命接生君真炁三華之色單
於頂上乃默呪曰

四大乘天 天元來歸 三華吐曜 司命景飛
為我招仙 七祖散關 上登太虛 日月同暉



次思三華之炁從兆泥丸中入兆乃口吸
神雲咽津三過結作一神狀如太陽星手
執太陽下入絳宮入左膀腕入玉莖中入
尾閭穴上入第一椎穿泥丸左目頰腮內
入肩入臂髓內過入左手通真之戶順時